



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-49-29863/19
Sarajevo, 02.08.2019. godine

MINISTARSTVO FINANSIJA
gđa. Zejna Avdić, sekretar Ministarstva

PREDMET: Odgovor na upit, dostavlja se –
VEZA: Vaš akt, broj: 08-07-49-29726/19 od 31.07.2019. godine

Vašim akom, broj i datum gornji, tražite od ovog ministarstva da vam odgovori, a u cilju pravilne primjene propisa, da li postoji obaveza objavljivanja na web stranici strateškog i godišnjeg plana Jedinice za internu reviziju koji između ostalog sadrže planirane periode obavljanja revizije, subjekte i područja revizije, s obzirom na to da članom 7. stav (4) Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Službene novine Kantona Sarajevo“, broj 21/19) (u daljem tekstu: Uredba) nije definisana obaveza objavljivanja na web stranici izvještaja interne revizije.

S tim u vezi, Ministarstvo pravde i uprave ističe da je članom 1. Uredbe propisano: „*Ovom uredbom uređuje se vrsta i način objavljivanja propisa i drugih akata koje donose organi uprave, javna preduzeća, javne ustanove i pravna lica čiji je osnivač Kanton Sarajevo.* (u daljem tekstu: *organi javnog sektora*), te način ostvarivanja i obezbjeđivanja javnosti rada organa javnog sektora.“ Dalje, u članu 3. Uredbe je propisano sta se smatra propisima u smislu odredbi Uredbe, gdje nisu navedeni starateški i godišnji planovi.

Međutim, uvidom u *lex specialis* propise koji regulišu oblast interne revizije (Zakon o internoj reviziji u javnom sektoru u Federaciji Bosne i Hercegovine („Službene novine FBiH“, br. 47/08 i 101/16, Pravilnik o kriterijima za uspostavljanje jedinica za unutrašnju reviziju u javnom sektoru u FBiH („Službene novine FBiH“, br. 82/13 i 74/14), Pravilnik o uslovima za obavljanje poslova interne revizije u javnom sektoru FBiH („Službene novine FBiH“, br. 95/15, 48/17), Metodologija rada interne revizije u javnom sektoru FBiH („Službene novine FBiH“, br. 13/12, 93/13 i 93/15)), nema zakonske niti podzakonske prepreke koja bi sprečavala da se takvi dokumenti interne revizije objave i učine dostupnim javnosti, te bi poželjno bilo da se u cilju transparentnosti i javnosti rada, učine dostupnim i javnim takvi dokumenti.

S poštovanjem,

Dostaviti:

1. Naslovu;
2. a/a.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241

